



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.255/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët: Bujar Muzaqi - kryesues, Violeta Husaj Rugova dhe Hajriz Hoti - anëtarë, duke vendosur përkitazi me ankesat e Betim Grabanica, kandidat për kuvend komunal në Vushtrri nga rradhët e subjektit politik Lidhja Demokratike e Kosovës (LDK), të paraqitura kundër Komisionit Qendror të Zgjedhjeve (KQZ), për shkak të parregullsive gjatë numërimit të votave për Zgjedhjet Lokale të datës 12 Tetor 2025, në seancën e panelit të mbajtur, me datë 20.10.2025, merr këtë :

V E N D I M

REFUZOHEN të pabazuara ankesat ZL.Anr.255/2025 dhe ZL.Anr.256/2025 të datës 18.10.2025, të parashtruara nga Betim Grabanica, kandidat për kuvend komunal në Vushtrri nga rradhët e subjektit politik Lidhja Demokratike e Kosovës (LDK), të parashtruara kundër Komisionit Qendror të Zgjedhjeve (KQZ), për shkak të parregullsive gjatë numërimit të votave për Zgjedhjet Lokale të datës 12 Tetor 2025.

A r s y e t i m

Me datë 18.10.2025, PZAP-i, ka pranuar ankesat ZL.Anr.255/2025 dhe ZL.Anr.256/2025, të parashtruara nga kandidati për kuvendin komunal në Komunën e Vushtrrisë, nga rradhët e subjektit politik Lidhja Demokratike e Kosovës (LDK), Betim Grabanica, në ankesën ZL.Anr.255/2025 pretendon se në vendvotimin 2712/02 në Vushtrri është deteksuar vota për shkak se është votuar mirëpo votat nuk figurojnë gjithashtu edhe në 2715/02 dyshon se votat janë ndryshuar sepse është votuar dhe nuk figurojnë votat.

Ndërsa në ankesën ZL.Anr.256/2025 parashtruesi i ankesës thekson se në vendvotimin 2729/03 dyshon gjithashtu se votat janë ndryshuar pasi që është votuar dhe këto vota nuk figurojnë. Andaj, parashtruesi i ankesës kërkon që të rinumërohen votat si dhe të dëshmohet gjendja faktike.

Si prova, parashtruesi i ankesave ka bashkangjitur numrat e telefonave të dëshmitareve.

Në përgjigje në ankesë të KQZ-së, datë 19.10.2025, theksohet se, pas shqyrtimit të ankesës dhe pretendimeve të palës ankuese, të kandidatit për kuvendin komunal në Vushtrrisë, nga subjekti politik (LDK), Betim Grabanica, KQZ menjëherë ka kontaktuar me KKZ e Komunës së Vushtrrisë, duke pranuar përgjigjet dhe sqarimet si në vijim:

Në përgjigjen e KKZ nga Komuna së Vushtrisë lidhur me pretendimet e palës ankuese, ZEKKZ ka deklaruar se: *“është numëruar sipas rregullave dhe procedurave zgjedhore, nga katër (4) përfaqësues të subjekteve politike të ndryshme gjë që garanton paanshmëri dhe transparencë të plotë gjatë procesit të numërimit, dhe po ashtu nën vëzhgimin e së paku dy (2) vëzhguesve dhe nga subjekte politike të ndryshme, si dhe nga kamerat e sigurisë të cilat kanë regjistruar tërë procesin në tavolinën e numërimit. Gjatë numërimit dhe deri në përfundimin e tij nuk është ankuar askush nga numëruesit apo vëzhguesit dhe nuk ka pasur vërejtje lidhur me procedurat e numërimit apo përpilimin dhe vendosjen e votave për kandidat në formular zgjedhor (sistem digjital)”*. Bazuar në nenin 101 të Ligjit Nr. 08/L-228 për Zgjedhjet e Përgjithshme në Republikën e Kosovës (LZP), Rregulloren Zgjedhore Nr.16/2024, Qendrat Komunale të Numërimit (QKN), Procedura e Veprimit në Qendrën Komunale të Numërimit për Zgjedhjet Lokale 2025, e miratuar më 01.10.2025, Nr.01/2601/2025, përcaktohet procedura e detajuar lidhur me procesin e numërimit në QKN.

Rezultatet preliminare nga vendvotimet mund korrigjohen në Qendrën Komunale të Numërimit, në përputhje me paragrafin 3 të nenit 14 të Rregullores Zgjedhore Nr. 16/2024 për Qendrat Komunale të Numërimit (QKN).

KQZ, ju njofton se, rezultatet përfundimtare të procesit zgjedhor, shpallen nga KQZ-ja pas përfundimit të numërimit të të gjitha fletëvotimeve nga vendvotimet e rregullta; fletëvotimeve nga votimi me kusht; fletëvotimet nga votimi i personave me nevoja të veçanta; fletëvotimeve nga votimi jashtë Kosovës; vendosjes për ankesat eventuale nga PZAP dhe Gjykata Supreme dhe pas përfundimit të të gjitha procedurave në QNR, ku 2/3 rezultati i publikuar është i ankueshëm nga subjekte politike dhe kandidatët të cilët kanë pretendime në raport me numërimin e votave të tyre. Pra, në momentin e publikimit të rezultateve përfundimtare nga KQZ-ja, palët e pakënaqura në pajtim me nenin 105 të LPZ, pala mund të ushtrojnë ankesë në afatin brenda dyzet e tetë (48) orëve në PZAP. Po ashtu, në kuptim të nenit 117 paragrafi 3 të LZP, gjatë shqyrtimit të ankesës është vërejtur se palët ankuese, nuk ka bashkëngjitur prova të mjaftueshme që do të mund të dëshmonin apo mbështesnin pretendimet e saj të paraqitura në ankesë. KQZ, ju njofton se i gjithë materiali zgjedhor duke përfshirë edhe kamerat e sigurisë, pas përfundimit të gjithë procesit të punës së QKN i njëjti material zgjedhor dorëzohet nga QKN në Qendrën e Numërimit dhe Rezultateve -QNR, dhe të njëjtat mund të verifikohen dhe hetohen nga PZAP dhe organet drejtësisë.

Paneli, në kuptim të nenit 6 paragrafi 6 të Rregullores për Procedurat e Parashtrimit dhe Vendosjes së Ankesave të PZAP-it, dhe nenit 84 paragrafi 1 të Ligjit Nr.05/L-031 për Procedurën e Përgjithshme Administrative, me qëllim të ekonomizimit të procedurës, ka bashkuar ankesat ZL.Anr.254/2025 dhe ZL.Anr.255/2025, të datës 18.10.2025 të njëjtat janë trajtuar me një vendim, andaj procedimi i këtyre ankesave evidentohen nën shenjë e përbashkët ZL.A.nr.254/2025, për shkak të natyrës së njëjtë të çështjeve, si për nga përmbajtja ashtu edhe për nga kërkesat e paraqitura të ankuesit.

Paneli Zgjedhor për Ankesa dhe Parashtrësia - PZAP, pas shqyrtimit të ankesës dhe shkresave të lëndës, pretendimeve ankimore, përgjigjes në ankesë gjeti se:

-Ankesat janë të pabazuara.

Paneli pas shikimit të shkresave të lëndës dhe përgjigjeve në ankesë të parashtruar nga KQZ-ja, vlerësoj se pretendimet e kandidatit për kuvendin komunal në Vushtrrisë, nga subjekti politik (LDK), Betim Grabanica, janë të pa qëndrueshme dhe si të tilla i refuzoj për faktin se nga veprimet e përshkruara në ankesë nuk është arritur që të vërtetohen se ka pasur parregullsi në qendra të votimit të cekura në ankesat e parashtruara dhe se është bërë keqpërdorimi i votave. Paneli i vlerësoj se janë të pa qëndrueshme dhe si të tilla i refuzoj, për faktin se parashtruesi i ankesës nuk ka mbështetur pretendimet e tij me prova, rrjedhimisht nuk ka ofruar dëshmi të qarta dhe bindëse lidhur me shkeljet e supozuara, edhe pse me kuptim të nenit 117 paragrafi 3 të LZP-së, barra e të provuarit bie mbi ankuesin dhe në rastin konkret, paneli, nuk mundi të konstatoj se ka pasur manipulime gjatë numërimit të votave në qendrat e votimit të komunës së Vushtrrisë.

Po ashtu edhe nga përgjigja e KQZ-së, vërehet se nuk qëndrojnë pretendimet e parashtruara me ankesë sepse nuk është pranuar asnjë raport, informatë, apo shprehje të pakënaqësive eventuale nga vëzhguesit e partive politike dhe vëzhguesit ndërkombëtar as në ditën e zgjedhjeve, gjatë procesit të numërimit të votave për kandidat në QKN, dhe as Formularët e rezultateve të subjekteve politike (FRS) dhe Formularët e rezultateve të kandidatëve (FRK) të ofruara në përgjigje nuk vërehet asnjë shënim apo vërejtje në Librin e Shënime në QKN, në Komunën e Vushtrrisë.

Andaj duke u mbështetur në nenin 117.3 të LZP-së në të cilin nen në mënyrë decitive thuhet se: *"Vendosja për ankesat nga PZAP-ja mbështetet në dëshmi të qarta dhe bindëse"*, Paneli vlerësoj se pretendimet e tilla janë të pa qëndrueshme dhe si të tilla i refuzoj, për faktin se nga veprimet e përshkruara në ankesa, dhe nga provat e ofruara si dëshmi parashtruesi i ankesave nuk ka arritur që të vërtetoj pretendimet e theksuara si më lartë.

Nga arsyet e theksuar më lartë duke bazuar nenin 117 par. 3, neni 118 par.1 të LZP-së, Paneli vendosi si në dispozitiv të këtij vendimi.

PANELI ZGJEDHOR PËR ANKESA DHE PARASHTRESA

ZL.Anr.255/2025 më datën 20.10.2025

Kryesues i Panelit
Bujar Muzaqi



KËSHILLA JURIDIKE: *Kundër këtij vendimi është e lejuar ankesa sipas nenit 118 paragrafi 4 të Ligjit Nr.08/L-228 për Zgjedhjet e Përgjithshme në Republikën e Kosovës, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.*